

唐  
音  
統  
籤

戊籤二十五

至二十  
八同卷

唐音統籤卷

六百  
十七

魏謩字申之鄭公徵五世孫大中初拜相終檢校

尚書右僕射集十卷

宋志

今存詩一篇

和重陽錫宴御製詩

四方無事去宸藻杪秋來八水寒光起千山霽色

開紀事云是日宣宗御製詩勅宰臣以下皆和上  
稱謩詩最佳嘉賞久之謩蹈舞拜謝羣僚聳視

暮有得色  
極歡而罷

戊籤二十六

劉綺莊毘陵人初爲崑山尉宣宗時官州刺史集

十卷

唐宋志同  
類書百卷行世

姑蘇志云綺莊學問浩博嘗作

是公武云唐四庫書目有

唐音統籤

卷六百二十七

綺靡葉十卷今所餘止四卷其本乃南唐故物題曰昇平四年重題詩凡三十二篇如置酒揚州送人皆不无而樂府格調尤高今存詩二篇

揚州送人

桂檝木蘭舟  
楓江竹箭流  
故人從此去  
望遠不勝愁  
落日低帆影  
歸風引棹謳  
思君折楊柳  
淚盡武昌樓

置酒

酒熟人須飲  
春還髮已秋  
願逢千日醉  
得迨百年遊  
愁卒卒  
周姬旦  
棲棲魯孔丘  
平生能幾日  
不及且遊遊

戊籤二十七

李善夷與李群玉同時嘗由少蓬謫宦豐陽有江

南集十卷

宋志六卷

今存詩二篇

善夷事無可考惟詩話總龜載其子宏阜

事蹟云宏阜唐末八座善夷之子善夷左遷武陵

率卒官宏阜昇槐歸故園途中值兵革爲馬氏擁入湖湘云

責漢水辭

并序

春秋僖公四年齊桓公合諸侯之師盟于召陵責楚之苞茅不入寡君之罪也敢不供給昭王南征之不復若其問諸水濱按昭王南征至漢舟人膠其舟王遂溺死杜預曰當時漢水未屬楚杜之注其爲謬哉且楚實殷之始封楚苦縣潁鄉在漢水東北六百餘里則漢水於西周之際豈未屬楚乎又詩云捷彼股武奮伐荆楚架人其阻哀荆之旅鄭玄注云深入方城之阻也

方城今在漢水北三百里豈昭王時未屬楚乎  
屈完以齊桓所問之大不敢他對但請自問於  
水濱之人言我不之知也漢實屬楚久矣夫山  
林川澤天子祀之必有其神楚人膠其絃而禍  
其君神不能漏神之罪也余過漢

見其波濤混漾而責其水詞曰

漢之廣兮風波四起雖有風波不如蹄涔之水蹄  
涔之水不爲下國而傾天子漢之深兮其隄莫量  
雖云莫量不如行潦之汪行潦之汪不爲下國而  
溺天王漢之美者曰魴吾雖饑不食其魴恐汚吾  
之饑腸

大隄曲

見方輿勝覽

酒旗相望大隄頭隄下連墻隄上樓日暮行人爭

渡急漿聲幽輒滿中流

戊籤二十八

鄭嵎字賓先大中五年進士第有津陽門詩一卷

北夢瑣言云大中後進士尤盛李都崔雍孫瑄鄭嵎四君子蒙其矜睞者因是進升故時有語曰欲得命通問聖嵎都雍

津陽門詩 并序

津陽門者華清宮之外闕南局某闕非走京道開成中嵎常得詳書下帷於石甕僧院而甚聞宮中陳迹焉今年冬自號而來暮及山下因解鞍謀食求客旅邸而主翁年且艾自言世事明皇夜闌酒餘復爲嵎道承平故實翼日於馬上輒裁刻俚叟之語爲長句七言詩凡一千四百字成一百韻止以門題爲之目云耳

津陽門北臨通遠雪風獵獵飄酒旗泥寒欸段臈  
 不進疲童退問前何為酒家顧客催解裝案前羅  
 列樽與卮青錢瓊屑安足數白醪軟美甘如飴開  
 壚引滿相獻酬枯腸渴肺忘朝饑愁憂似見出門  
 去漸覺春色入四肢主翁移客挑華燈雙肩隱膝  
 烏帽欹笑云飴老不為禮飄蕭雪鬢雙垂願問余  
 何往凌寒曦顧翁枯朽郎豈知翁曾豪盛客不見  
 我自為君陳昔時時平親衛號羽林我纔十五為  
 孤兒射熊搏虎衆莫敵彎弧出入隨欣飛開元中  
西神策軍但以 此時初創觀風樓簷高百尺堆華  
六軍為親衛

未 有束

樓樓南更起鬪雞殿晨光山影相參差

觀風樓在宮之外東

北隅屬交城而連上內前臨馳道周視山川寶殿中魚朝恩毀之以修章敬今遺址尚存唯鬪雞殿與毬塲迤邐尚在其年十月移禁仗山下櫛比羅百司朝

元閣成老君見會昌縣以新豐移

時有詔改新豐爲會昌縣移白

陰鷲故城置于山下至明年十月老君見于朝元閣南而於其處置降聖觀復改新豐爲昭應縣麻宇始成令大將軍高幽州曉進供奉馬玉珂寶勒力士率禁樂以落

黃金羈

安祿山每進馬必殊特而極銜勒之飾

五王扈駕夾城路傳

聲校獵渭水湄六軍各出射絡野張罝維彫弓繡  
韜不知數翻身滅沒皆蛾眉赤鷹黃鶻雲中來妖  
狐狡兔無所依人頰馬殆禽獸盡百里腥膻禾黍



稀中王有高麗赤鷹岐王有北山黃鸝逸翮奇姿  
特異他等上愛之每弋獵必置於鶯前日爲夾

兒暖山度臘東風微宮娃賜浴長湯池刻成玉蓮

噴香液漱迴煙浪深迤邐官內除供奉兩湯池內  
外更有湯十六所長湯

每賜諸濱御其修墜與諸湯不伴甃以文瑤窰石

中夾有玉蓮捧湯泉噴以成池又縫綴綺繡爲鳧

鷹於水中上時於其間犀屏象薦雜羅列錦鳧繡

之級鑊小舟以嬉遊焉鴈相追隨破簪碎鈿不足拾金溝殘溜和纓綫上

皇寬容易承事十家三國爭光輝繞床呼盧恣樗

博張燈達晝相謾欺相君侈擬縱驕橫日從秦虢

多游嬉朱衫馬前未滿足更驅武卒羅旌旗楊國忠爲

宰相帶劍南節度使常與秦虢聯轡而畫輪寶軸從

而出更於馬前以兩川旌節爲導也

天來雲中笑語聲融怡鳴鞭後騎何躩蹠宮粧襟

袖皆仙姿青門紫陌多春風風中數日殘春遺驪

駒吐沫一奮迅路人擁篲爭珠璣

事盡載在國史中此下更重叙

其八姨新起合歡堂翔鵬賀鸞無由窺萬金酬工

不肯去矜能恃巧猶嗟咨

號國創一堂價費萬金堂成工人償價之外更

懲賞彼之直復受絳羅五千段工者嗤而不顧號  
國異之問其由工曰某生平之能彈於此矣苟不  
知信願得螻蟻蟻蜂蠅之類去其口而投于堂  
中使有隙失一物卽不論工直也于是又以緙絲  
珍貝與之山下人至今話故四方節制領附媚窮

奢極侈沽恩私堂中特設夜明枕銀燭不張光鑿

帷號國夜明枕置於堂中光燭一室西瑤光樓南

皆紫禁梨園仙宴臨花枝迎娘歌喉玉碎襟蠻兒

舞帶金葳蕤

璠光樓即飛雷殿之北門迎娘蠻兒乃梨園弟子之名聞者

三郎

紫笛弄煙月怨如別鶴呼羈雌玉奴琵琶龍香撥

倚歌促酒聲嬌悲

上皇善吹笛常帶一紫玉管貴妃妙彈琵琶其樂罷聞於人間

者有邏逆種爲槽籠香極爲撥者上每執酒卮必令迎娘歌水調曲遠而太真輒彈絃倚歌爲上送酒內中皆以上爲三郎玉奴乃太真小字也

飲鹿泉邊春露晞粉梅檀

杏飄朱墀金沙洞口長生殿玉葉峰頭王母祠

山城

內多馴鹿流澗號爲飲鹿有長生殿乃齋殿也有事於朝元閣卽御長生殿以沐浴也

禁庭

術士多幻化上前較勝紛相持羅公如意奪顏色

三藏袈裟成散綵

上嶺崇羅公遠揚妃尤信金剛三藏上帝幸功德院將賜七寶

殿忽然背痒公遠折竹枝化作七寶如意以進上大  
大喜顧謂金剛曰上人能致此乎三藏曰此幻術  
耳僧爲陛下取真物乃於袖中出如意七寶炳耀  
而光遠所進卽時復爲竹枝耳後一日楊妃始以  
二人定優劣時禁中將制小殿三藏乃舉一鴻梁  
於空中將中公遠之首公遠不爲動容上遂命止  
之公遠飛符於他處竊三藏金闕袈裟於篋中守  
者不之見三藏怒又呪取之須臾而至公遠復喫  
水龍符於袈裟上蓬萊池上望秋月無雲萬里懸  
散爲絲縷以盡也

清輝上皇夜半月中去三十六宮愁不歸月中秘

樂天半間丁璫玉石和塤箎宸聰聽覽未終曲却

到人間迷是非

葉法善引上入月宮時秋已深上苦凄冷不能久留歸于天半尚聞

仙樂及上歸且記憶其半遂於笛中寫之會西梁都督楊敬蓮進婆羅門曲與其聲調相符遂以月中所聞爲之散序用敬蓮所進千秋御節在八月曲作其腔而名霓裳羽衣法曲

會同萬國朝華夷花萼樓南大合樂八音九奏鸞  
來儀部盧尋樞誠齷齪公孫劍伎方神奇馬知舞

徹下牀榻人惜曲終更羽衣

上始以誕聖日爲千秋節每大舖會必于

勤政樓下使華夷縱觀有公孫大娘舞劍當時號爲難妙又設連榻令馬舞其上馬衣統絢而被鈴鐸驥首奔龍舉趾翹尾變態動容皆中音律又令宮妓梳九騎仙髻衣孔雀翠衣佩七寶瓔珞爲霓裳羽衣之類曲終珠翠可掃其舞馬祿山亦將數疋以歸而私習之其後田承嗣代安有存者一旦於廐上聞鼓聲頓挫其舞廢人惡之衆箠以擊之其馬尚爲怒未妍妙因更奮擊宛轉曲盡其態斷恐以告承嗣以爲妖遂祿山此時侍御側金鷄畫障當累恩繡羽衣祿山日履鼎甘言狡計愈矯癡

上每

厚及宴會必令祿山坐于御座側而以金鷄障隔之賜其箕踞太真又以爲子時祿祿戲而加之上

亦呼之祿兒每入宮必先拜貴妃然後拜上上笑而問其故撤對曰臣本蕃中人禮先拜母後拜父是以詔令上路建甲第樓通走馬如飛輦大開內

府恣供給玉缶金筐銀篋箕

時於親仁里南陌爲祿山建甲第令中貴

人督其事仍謂之曰卿善爲部署祿山眼孔大勿

令笑我至於傍篋篋其釜缶之具咸金銀爲之今

其故第耳異謀潛熾促歸去臨軒賜帶盈十圍

祿山帶十圍方周體

忠臣張公識逆狀日日切諫

上弗疑

歲由江先識其必反逆狀數言於上上曰卿勿以王夷甫識石勒而誤疑祿山耳

湯成召浴果不至潼關已溢漁陽師御街一夕無

禁鼓玉輅順動西南馳

其年賜柑子使回泣訴祿山反狀云臣幾不至生反

上猶疑其言復遣使諭云我爲卿造一湯待卿至使回答言反狀上然後憂疑即遣軍至潼關矣

九門回望塵盆多六龍夜馭兵衛疲縣官無人具

軍頓行宮徹屋屠雲嶠

時如畿草擾無御頓之備上命徹行宮木宰御馬以

寶上

馬鬼驛前駕不發宰相射殺冤者誰長眉鬢

髮作凝血空有君王潛滂洩青泥坂上到三蜀金

堤城邊止九旂移文泣祭昔臣墓度曲悲歌秋鷹

辭

駕至蜀詔中貴人馳祭燕曲江墓不納其諫又遇劍閣下望山川忽憶水調辭云山川滿目

淡沾衣富貴榮華能幾時不見只今汾水上唯有

從臣對曰此李膺詩復掩泣曰李膺真可謂才子也

明年尚父上捷書洗清

觀闕收封畿兩君相見望賢頓君臣鼓舞皆歔歔

望賢宮在咸陽之東數里時車駕自蜀回肅宗迎駕上皇自致傳國璽於上上獻歎拜受左右皆泣

曰不圖今日復觀兩君相見之禮駕將入開遠門  
上皇疑先後入門不決顧問從臣不能對高力士  
前曰上皇雖尊皇帝主也上皇偏門面先行皇  
帝正門而入後行耆老皆呼萬歲當時皆是之

中親呼高驃騎潛令改葬楊真妃花膚雪艷不復

見空有香囊和淚滋時肅宗詔令改葬太真高力士知其所瘞在鬼坡驛西非

十餘步當時乘輿匆遽無復備周身之具但以紫  
纁裹之及改葬之時皆已朽壞惟有胸前紫纁香  
囊中尚得永壽香時以鑿輿却入華清宮滿山紅  
進上皇上皇泣而臨之

寶垂相思飛霜殿前月悄悄迎春亭下風颼颼飛

殿即寢殿而白傅長恨歌以長生殿爲寢殿殊誤  
矣上皇至明年復幸華清宮信宿乃回自此遂移

處西內 雪衣女失玉籠在長生鹿瘦銅牌垂象牀

中矣 塵凝罨颯被畫檐 蟲網頗梨碑太真養白鸚鵡西

國所貢辨惠多辭



上尤愛之字爲雪衣女上常於芙蓉園中獲白鹿  
惟山人王晏識之曰此漢時鹿也上翼之令左右  
周視之乃於角際雪毛中得銅牌子刻之曰宜春  
苑中白鹿上由是愈愛之移於此山目之曰仙客  
上止華清臺鳳公主嘗爲上晨召聽按新水調主  
愛起晚暹肩真珠被而出及冠至倉惶隨駕出宮  
後不知省及上歸南內一旦再入此宮而當時覺  
蠶之被宛然而塵積矣上尤感焉溫泉堂碑其石  
壁微見人形影宮中號爲頗  
中號爲頗梨碑  
雲母陵風篁雨菊低

離披真人影帳偏生草果老藥堂空掩扉真人李

周時修道北山神堯皇帝受禪真人潛告符契至

今山下有祠宇宮中有七聖殿自神堯至睿宗建

寶后皆立衣袞衣繞殿石榴樹皆太真所植俱擁

腫矣南有功德院其間瑤壇羽帳皆在焉嘸興影

堂果老藥室亦在禁中也鼎湖一日失弓劍橋山煙草俄霏霏

空聞玉椀入金市但見銅壺飄翠帷開元到今踰

十紀當初事跡皆殘隳竹花唯養樓梧鳳水藻周

游巢葉龜會昌御宇斥內典去留二教分黃緇慶

山汗瀦石甕毀紅樓綠閣皆支離竒松恠栢爲樵

蘇童山胥谷亡嶮熾煙中壁碎摩詰盡雲間字失

玄宗詩

持國寺本名慶山寺德宗始改其額寺有緣額樓道而上天后朝以崇臣取宮中制

度結構之不甕寺開元中以創造華清宮餘材修繕佛殿中玉石像皆幽州進來與朝元閣道像同

日而至精妙無比叩之如磬餘像並楊惠之手塑肢空像皆元伽兒之制能妙織麗曠古無儔紅樓

在佛殿之西巖下臨絕壁樓中有玄宗題詩草八分每一篇一體王右丞山水兩壁寺毀之後皆失

之矣摩詰乃王維之字也

石魚巖底百尋井銀床下卷紅縷遊

當時清影蔭紅葉一旦飛埃埋素規

石魚巖下有天絲石其形

如窺以貯飛泉故上以石甃爲之寺名寺僧於上  
層飛樓中懸轆轤叙引修竿長二百餘尺以汲甕  
泉出於紅樓喬樹之杪寺  
既毀拆石甃今已埋沒也韓家燭臺倚林杪干枝

燦若山霞攜昔年光彩奪天月昨日銷鎔當路岐

韓對爲干枝燈臺高八十八尺置于山上每至上  
元夜則燃之干光奪月凡百里之內皆可望焉龍

宮御榜高可惜火焚牛挽臨崎峴孔雀松殘赤琥

珀鴛鴦瓦碎青琉璃寺額睿宗在藩邸中所題也  
標於危樓之上世傳孔雀松

下有赤茨苓人土千年則成琥珀寺之前  
峯古松老栢泊平嘉草今皆樵蘇蕩除矣今我前

程能幾許徒有餘息筋力羸逢君話此空灑涕却

憶歡娛無見期主翁莫泣聽我話寧勞感舊休呼

嘻河清海宴不難覩我皇已上昇平基涅中土地

昔湮沒昨夜收復無瘡痍  
戎王北走棄青塚虜馬  
西奔空月支兩逢堯年  
豈易偶願翁願養豐膚肌  
平明酒醒便分首今夕一  
罇翁莫違

陳氏書錄曰  
此詩或云鄭

愚者非也愚嶺南  
節度非此鄭端

卷終

虎籤二十九

三十一同卷

唐音統籤卷

六百二十八

韓琮字成封官湖南觀察使詩一卷

唐宋志同琮初爲陳許

節度王茂元判官有薦狀云早中殊科榮世雅許  
弦柔以直濟伏而清東觀察待將士不以禮爲  
書舍人紀事云琮爲觀察待將士不以禮爲  
都將石載順所逐揚用修以爲孟蜀時人誤

春愁

金烏長飛玉兔走青鬢長青古無有秦娥十六語  
如弦未解貪花惜楊柳吳魚嶺鴈無消息水誓蘭  
情別來久勸君年少莫遊春煖風遲日濃於酒

興平縣野中得落星石移置縣齋

的的墮芊蒼茫茫不記年幾逢疑虎將應逐犯牛

唐音統籤

卷六百二十八

虎

仙擇地依蘭畹題詩間錦錢何時成五色却上女  
媼天

詠牡丹未開者

殘花何處藏盡在牡丹房嫩葉包金粉重葩結繡  
囊雲凝巫峽夢簾閉景陽粧應恨年華促遲遲待  
日長

公子行

紫袖長衫色銀蟬半臂花帶裝盤水玉鞍繡坐雲  
霞別殿承恩澤飛龍賜渥注控羅青裏轡鏤象碧  
燕龍意氣傾一作歌舞闌珊走鈿車袖鄣雲縹緲

鏡轉鳳歌斜珠卷迎歸箔紅籠晃醉紗唯無難夜  
日不得似仙家

秋晚信州推院親友或責無書卽事寄答

官信安仁拙書非叔夜慵謬馳馬傳難附鯉魚  
封萬里勞何補千年運忝逢不量橫草力虛慕入  
雲蹤潔水空澄鑑持鉛亦礪鋒月寒深夜桂霜凜  
近秋松憲摘無逃魏冤申得夢馮問狸將挾虎殲  
蠶敢虞蜂商吹移砧調春華改鏡容歸期芳魄積  
愁思暮山重仙鼠猶驚燕沙鷄欲變蛩唯應碧湘  
浦雲落及芙蓉

涼西卽事

秋草河蘭起陣雲涼州唯向管絃聞豺狼毳幕三千帳  
貔虎金戈十萬軍候騎北來驚有說戍樓西望悔爲文  
昭陽亦待平安火誰握旌旗不見勲

潁亭

潁上新亭瞰一川幾重舊址敞幽關寒聲北下當軒水  
翠影西來撲檻山遠日靜隨孤鶴去高情常共白雲閑  
知君久負巢由志早晚相忘寂寞間

題商山店

商山驛路幾經過未到仙娥見謝娥紅錦機頭拋



皓腕綠雲鬟下送橫波  
佯嗔阿母留賓客  
暗爲王孫換綺羅  
碧澗門前一條水  
豈知平地有天河

題圭峰下長孫家林亭

趙國林亭二百年  
綠苔如毯葛如煙  
閑期竹色搖霜看  
醉惜松聲枕月眠  
出樹圭峰寒壓坐  
入籬沙瀨碧流天  
明知富貴非身物  
莫爲金章墮地仙

風

競持飄忽意何窮  
爲盛爲衰半不同  
偃草喜逢新雨後  
鳴條愁一作誰聽曉霜中  
涼飛玉管來秦甸  
暗

裊花枝入楚宮  
莫見東西便無定  
滿帆還有濟川

功

雨

陰雲拂地散絲輕  
長得爲霖濟物名  
夜浦漲歸天  
壑潤春風洒入御溝平  
軒車幾處歸頻濕  
羅綺何人去欲驚  
不及流他荷葉上  
似珠無數轉分明

雲

輕一作深

惹離愁

一作情

寫落暉如車如蓋  
早依依山

頭觸石應常在天際  
從龍自不歸  
莫向隙窓籠夜  
月好來仙洞濕行衣  
春風淡蕩無心後  
見說襄王  
夢亦稀

霞

應是行雲未擬歸變成春態媚晴暉深如綺色斜  
分閣碎似花光散滿衣天際欲銷重慘淡鏡中開  
照正依稀曉來何處低臨水無限鴛鴦妬不飛

露

長隨聖澤墮堯天濯遍幽蘭葉葉鮮纔喜輕塵銷  
陌上已愁新月到堦前文騰要地成非久珠綴秋  
荷偶得圓幾處花枝抱離恨曉風殘月正潸然

牡丹

桃時杏日不爭濃葉帳

一作帳

陰成始放紅曉艷遠

分金掌露暮香深惹玉堂風名移蘭杜千年後貴  
擅笙歌百醉中如夢如仙忽零落暮霞何處綠屏  
空

詠馬

曾經伯樂識長鳴不似龍行不敢行金埒未登嘶  
若是鹽車猶駕瘦何驚難逢王濟知音癖欲就燕  
昭買駿名早晚飛黃引同阜碧雲天上作鸞鳴

涼州詞

樹發花如錦鶯啼柳若絲更遊歡宴地悲見別離  
時

晚春江晴寄友人

晚日低霞綺晴山遠畫眉春青

一作青

河畔草不是

望鄉時

暮春澹水送別

綠暗紅稀出鳳城暮雲宮闕

一作樓闕

古今情行人莫

聽宮前水流盡年光是此聲

謝云人物有盡流水無窮自唐有宮闕以

來不知經幾年過幾人而宮前流水只此如故

駱谷晚望

秦川如畫柳如絲去國還鄉一望時  
公子王孫莫來好嶺花多是斷腸枝

二月二日遊洛源

舊苑新晴草似苔  
人還香在踏青迴  
今朝此地成惆悵  
已後逢春更莫來

和白樂天詔取永豐柳植上苑

時爲東都留守

折柳歌中得翠條  
遠移金殿種青霄  
上陽宮女吞聲送  
不分一作先歸學舞腰一作舞細腰

楊柳枝詞二首

梁苑隋隄事已空  
萬條猶舞舊春風  
那堪更想千年後  
誰見楊花入漢宮

枝鬪纖腰葉鬪眉  
春來無處不如絲  
霸陵原

一作橋

上多離別少有長條拂地垂

戊籤三十

崔珣字夢之

北夢瑣言云  
嘗寄家湖州

登大中進士第由幕府

拜秘書郎爲淇縣令有惠政官至侍御工詩以賦

鴛鴦得名時因以爲號云詩一卷

宋志

美人嘗茶行

雲鬢枕落困泥春玉郎爲碾瑟瑟塵閒教鸚鵡啄  
窓響和嬌扶起濃睡人銀瓶貯浪水一掬松雨聲  
來乳花熟朱唇啜破綠雲時咽入香喉爽紅玉明  
眸漸開轉一作秋水手撥綠篁醉心起臺前却坐

唐音鏡籤

卷六 百二十八

六

七

推金箒不語思量夢中事

門前柳

門前蜀柳 知春風澹暖煙愁殺人將謂只栽郡  
樓下不知迤邐連南津南津柳色連南市南市戎  
州三百里夷陬蠻落相連接故鄉莫道心先歿我  
今帝里還有家門前嫩柳插一作 仙霞晨霽太一

壇邊雨暮宿鳳凰城裏鷓鴣別來三載當誰道門前  
年年綠陰好春來定解飛雪花雨後還應庇煙草  
憶昔當年栽柳時新芽茁茁嫌生遲如今宛轉梯  
看地常向綠陰勞夢思不道被樹好不道此樹惡



試將此意問野人野人盡道生處樂爲報門前楊  
柳栽我應來歲當歸來縱令樹下能攀折白髮如  
絲心似灰

道林寺

臨湘之濱麓之隅西有松寺東岸無松風千里擺  
不斷竹泉瀉入于僧厨宏梁大棟何足貴山寺難  
有山泉俱四時唯夏不敢入燭龍安敢停斯須遠  
公池上種何物碧羅扇底紅鱗魚香閣朝鳴大法  
鼓天宮夜轉三乘書野花市井栽不着山鷄飲啄  
聲相呼金檻僧趺步步影石盆水濺聯聯珠北臨

高處口正午舉手欲摸黃金鳥  
遙江大船小於葉  
遠村雜樹齊如蔬  
潭州城郭在何處  
東邊一片青  
模糊今來古往人  
滿地勞生未了歸  
丘墟長卿之  
門久寂寞  
五言七字誇規模  
我吟杜詩清入骨  
灌頂何必須醞酬  
白日不照耒陽縣  
黃天厄歿饑寒  
驅明珠大貝採  
欲盡蚌蛤空  
滿赤沙湖  
今我題詩  
亦無味  
懷賢覽古  
成長吁  
不如興罷  
過江去  
已有  
好月明歸途

岳陽樓晚望

乾坤千里水雲間  
釣艇如萍去復還  
樓上北風斜

卷席湖中西日倒銜山懷沙有恨騷人徃鼓瑟無  
聲帝子閒何事黃昏尙凝睇數行煙樹接荆蠻

有贈二首

莫道粧成斷客腸粉留綿手白蓮香煙分頂上三  
層綠劍截眸中一寸光舞勝柳枝腰更軟歌嫌珠  
貫曲猶長雖然不似王孫女解愛臨邛賣賦郎

錦里芬芳少佩蘭風流全占似君難心迷曉夢窓  
猶暗粉落香肌汗未乾兩臉天桃從鏡發一眸春  
水照人寒自嗟此地非吾土不得如花歲歲看

和人聽歌二首

氣吐幽蘭出洞房  
樂人先問調宮商  
聲和細管珠纒轉  
曲度沉煙雪  
更香公子不隨騰  
萬結離人須落淚  
千行巫山曉罷行  
雲過猶自微塵舞  
盡梁紅臉初分翠  
黛愁錦筵歌板拍  
清秋一樓春雪和  
塵落午夜寒泉帶  
雨流座上美人心  
盡  
尊前旅客淚難收  
莫辭更送劉郎酒  
百斛明珠異日酬

哭李商隱二首

成紀星郎字義山  
迥歸黃壤抱長歎  
詞林枝葉三春盡  
學海波瀾一夜乾  
風雨已吹燈燭滅  
姓名長在齒牙寒  
只應物外攀琪樹  
便看寬裳上絳壇

一作

蠅衣上

玉壇

虛負凌雲萬丈才  
一生襟抱未曾開  
鳥啼花落入何在  
竹歎桐枯鳳不來  
良馬足因無主  
跪舊交心爲絕絃  
哀九泉莫歎三光隔  
又送文星入夜臺

水精枕

千年積雪萬年冰  
掌上初擎力不勝  
南國舊知何處得  
北方寒氣此中凝  
黃昏轉燭螢飛沼  
白日寒簾水在簷  
一作非 斲箏蜀琴相對好  
裁詩乞與滌煩

襟

和友人駕鴛之什三首

翠鬢紅毛

一作衣

舞夕

一作落

暉水禽情似此禽稀暫

分煙岳猶回首只渡寒塘亦並飛

一作珠

殿瓦逐梭齊上玉人機採蓮無限蘭橈女笑指

中流羨爾歸

寂寂春塘煙晚時兩心和影共依依溪頭日暖眠

沙穩渡口風寒浴浪稀翡翠莫誇饒彩飾鷓鴣須

羨好毛衣蘭深草密無人見相逐相呼何處歸

舞鶴翔鸞俱別離可憐生歎兩相隨紅絲毳落眠

汀處白雪花成蹙浪時琴上只聞交頸語窗前空

展共飛詩何如相見長相對肯羨人間多所思

席間詠琴客

紀事云琴作太魏公幕與副專袁克常侍不叶公俱薦之於朝

玉琴芸閣警校會有客以絲桐詣公心善之欲振其名命以別乘馬迎玉賞之公爲客請一篇玉因以發其憤詩云云公大志

七條絃上五音寒此藝知音自古難惟有河南房次律始終憐得董庭蘭

句

梵王宮地羅含宅賴許時時聽法來

早梅贈李商隱李集注

卷終

戊籤三十一

唐音統籤卷

六百二十九

李郢字楚望長安人大中十年進士詩調清麗居餘杭不務進取終藩鎮從事唐末避亂嶺表有詩

一卷

唐宋藝文志同

紀事云郢有子名興字魯珍生於南海尤能詩每一篇成必贈多人口

後亦登甲科惜無一語存者

五言古詩

遊天柱觀

聽鐘到靈觀  
仙子喜相尋  
茅洞幾千載  
水聲寒至今  
讀碑丹井上  
坐石澗亭陰  
清興未云盡  
煙霞生

女林



七言古詩

陽羨春歌

石亭梅花落如積玉蘇爛斑竹姑赤祝陵有酒清  
若空煮粳蒸魚作寒食長橋新晴好天氣兩市兒  
郎擢船戲溪頭鏡鼓狂殺儂青蓋紅裙偶相值風  
光何處最可憐邵家高樓白日邊樓下遊人顏色  
喜溪南黃帽應羞成三月未有二月殘靈龜可信  
滄水乾葑草青青促歸去短簫橫笛說明年

茶山貢焙歌

使君愛客情無已客在金臺價無比春風三月貢

茶時盡逐紅旄到山裏焙中清曉朱門開筐箱漸  
見新芽來陵煙觸露不停探官家赤印連帖催朝  
饑暮訔誰興哀喧闐競納不盈掬一時一餉還成  
堆蒸之馥之香勝梅研膏架動轟一作如雷茶成

拜表貢天子萬人爭噉春山摧驛騎鞭聲若流電

半夜驅夫誰復見十日一作一月王程路四千到時須

及清明宴一作前吾君可謂納諫君諫官不諫何由

聞九重城裏雖玉食天涯吏役長紛紛使君憂民  
慘容色就焙嘗茶坐諸客幾回到口重咨嗟嫩綠  
鮮芳出何力山中有酒亦有歌樂營房戶皆仙家

仙家十隊酒百斛金絲宴饌隨經過使君是日憂  
思多客亦無言微綺羅殷勤繞焙復長歎官府例  
成期如何吳民吳民莫憔悴使君作相期蘇爾  
五言律詩

園居

暮雨楊雄宅秋風向秀園不聞砧杵動時看桔槔  
翻釣下魚初食船移鴨蹙喧橘寒才弄色須帶一作  
待早霜繁

夏日登信州北樓

高樓上長望百里見靈山雨歇河珠定雲開谷鳥

遠田苗映林合牛犢傍村閑始得銷憂處蟬聲催  
入關

宿潯上人房

重公舊相識一夕話勞生藥裹關身病經函寄道  
情嶽寒當寺色灘夜入樓聲不待移文誦三年別  
赤城

五言排律

春日題山家

偶與樵人熟春殘日日來依嚙尋紫蕨挽樹得青  
梅燕靜啣泥起蜂喧抱葉回嫩茶重攪綠新酒略

林音經集  
炊醅漠漠蠶生紙  
涓涓水弄苔  
丁香政堪結  
留步  
小庭隈

秋晚寄題陸勳校書義興禪居時淮南從事  
禪居秋草晚  
蕭索異前時  
蓮幕青雲貴  
翱翔絕後  
期  
薛房檉架掩  
山砌石盆欹  
劔戟晨趨靜  
笙歌夜  
散  
遲谷寒霜狷  
靜林晚磬蟲  
悲惠遠煙霞在  
方平  
杖履隨骨清  
須貴達神重  
有威儀萬卒  
千蹄馬橫  
鞭從信騎

七言律詩

中元夜

江南水寺中元夜金粟欄邊見月娥紅燭影廻仙  
態近翠環光動見人多香飄彩殿疑蘭麝霧遠輕  
衣雜綺羅湘水夜空巫峽遠不知歸路欲如何

江亭春霽

江籬漠漠荇田田江上雲亭霽景鮮蜀客帆檣背  
歸燕楚山花木怨啼鶻春風掩映千門柳曉色凄  
涼萬井煙金磬泠泠水南寺上方僧室翠微連

江亭晚望

碧天涼冷鴈來踈閑望江雲思有餘秋館池亭荷  
葉後野人籬落豆花初無愁自得仙翁術多病能

忘太史書聞說故園香稻熟片帆歸去就鱸魚

七夕

一作趙璜

烏鵲橋頭雙扇開年年一度過河來莫嫌天上稀  
相見猶勝人間去不回欲裁煙花饒俗世暫煩煙  
月掩粧臺別時舊路長清淺豈肯離情似死灰

早秋書懷

高梧一葉墜涼天宋玉悲秋淚灑然霜拂楚山頻  
見菊雨零溪樹忽無蟬虛村暮角催殘日近寺歸  
僧寄野泉青鬢已緣多病鑷可堪風景促流年

故洛陽城

胡兵一動朔方塵不使鑾輿此重巡清洛但流鳴  
咽水上陽深鎖寂寥春雲收少室初晴雨柳拂中  
橋晚渡津欲問昇平無故老鳳樓迴首落花頻

錢塘青山題李隱居西齋

小隱西齋爲客開翠蘿深處遍青苔林間掃石安  
棋局巖下分泉遞酒盃蘭葉露光秋月上蘆花風  
起夜潮來湖山遶屋猶嫌淺欲棹漁舟近釣臺

澗河館

一作暮春山  
行田家歌馬

雨濕菰蒲斜日明茅厨煮蟹棹車聲青蛇上竹一  
種色黃蝶隔溪無限情何處樵漁將遠餉故園田



土憶春耕千峰萬瀨

一作  
雷雷

水涵涵羸馬此中愁獨

行

晚泊松江驛

片帆孤客晚夷猶紅蓼花前水驛秋歲月方驚離  
別盡煙波仍駐古今愁雲陰故國山川暮潮落空  
江網罟收還有吳娃舊歌曲棹聲遙散采菱舟

上裴晉公

四朝憂國鬢如絲龍馬精神海鶴姿天上玉書傳  
詔夜陣前金甲受降時曾經庾亮三秋月下盡羊  
曇兩路一作  
局碁懶悵舊堂扃綠野夕陽無限鳥飛

遲

奉陪裴相公重陽日游安樂池亭

絳霄輕靄翊三台稽阮情懷管樂才蓮沼昔爲王

儉府菊籬今作孟嘉孟寧知北闕元勳在漢賜蕭何等北

第大却引東山舊客來自笑吐茵還酩酊日斜空

從絳衣迴

江上逢羽林王將軍

虬髯憔悴羽林郎曾入甘泉侍武皇鷓鴣沒夜雲知  
御苑馬隨仙仗識天香五湖歸去孤舟月六國平  
來兩鬢霜唯有桓伊江上笛卧吹三弄送殘陽

長安夜訪澈上人

關西木落夜霜凝  
烏帽閑尋紫閣僧  
松迥月光先照鶴  
寺寒溝水忽生冰  
琤琤曉漏喧秦禁  
漠漠秋煙起漢陵  
聞說天台舊禪處  
石房獨有一龕燈

和湖州杜員外冬至日白蘋洲見憶

白蘋亭上一陽生  
謝眺新裁錦繡成  
千嶂雪銷溪影綠  
幾家梅綻海波清  
已知鷗鳥長來狎  
可許汀洲獨有名  
多愧龍門重招引  
卽拋田舍棹舟行

友人適越路過制廬寄題江驛

桐廬縣前洲渚平  
制廬江上曉湖生  
莫言獨有山

川秀過日仍聞官長清麥隴虛涼當水店鱸魚鮮  
美稱尊羹王孫客棹殘春去相送河橋羨此行

秦處士移家富春發樟亭懷寄

潮落空江洲渚生知君已上富春亭嘗聞郭邑山  
多秀更說官際眼盡青離別幾宵竟耿耿相思一  
座髮星星仙翁白石高歌調無復松齋半夜聽

重陽日寄浙東諸從事

野人多病門長掩荒圃重陽菊自開愁裏又聞清  
笛怨望中難見白衣來元瑜正及從軍樂寧戚誰  
憐叩角哀紅旆紛紛碧江暮知君醉下望鄉臺

爲妻作生日寄意

語林云郢初赴與聞鄰女有容求娶之遇有爭娶者

女家無以爲辭乃曰備錢百萬先至者許之兩家具錢同日皆至女家無以爲辭復曰請各賦一詩以爲優劣郢乃待之登第

回江有號蘇州遇故人守湖州邀同行郢辭以決意春歸爲妻作生日故人不敢與之胡琴焦桐方物等令且寄歸代意郢因賦此詩

寄內

謝家生日好風煙柳煖花春二月天金鳳對翹雙  
翡翠蜀琴新上七絳絃鴛鴦交頸期千歲琴瑟和  
諧願百年應恨客程歸未得綠窓紅淚冷涓涓

送劉谷

竹橋西路雪初晴雲暖沙乾馬足輕寒澗渡頭芳

草色新梅嶺外鷓鴣聲郵亭已送輕一作征車發山  
館誰將候火迎落日千峰轉迢遞知君回首望高  
城

送人之嶺南

關山迢遞古交州歲晏憐君走馬遊謝氏海邊逢

素女

謝端侯官人於海邊得一大螺貯甕中端每  
耕作還炊飯白具端疑窺之見一少女從甕

中出問之云我天漢中白水素女上帝越王潭上

憐君孤憤使我炊烹端得婦後忽去

見青牛南越志越王建德伐木爲船以童男女三  
千人牽之墜于潭時聞船中有唱督聲

更有青牛  
與船俱見嵩臺月照啼猿曙高要存棟石高二百  
仞土人謂之嵩臺

石室煙含古桂秋迴望長安五千里刺桐花下莫

淹留

送圓鑒上人遊天台

西嶺草堂留不住，獨携瓶錫向天台。  
霜清海寺聞潮至，日晏江船乞食回。  
華頂夜寒孤月落，石橋秋盡一僧來。  
靈溪道者相逢處，陰洞泠泠竹室開。

送僧之台州

獨尋台嶺閒遊去，豈覺靈溪道里除。  
三井應潮通海浪，五峰攢寺落花寒。  
潭盥漱銅瓶，潔野店安禪錫。  
杖斜到日初尋石橋路，莫教雲雨濕袈裟。

傷賈島無可

雜談云：島沒長江，可公隨亦示寂。郢與二人善，感歎題詩。

却到京師事事傷  
惠休歸寂賈生亡  
何人收得文章篋  
獨我來經苔蘚房  
一命未沾爲逐客  
萬緣初盡別空王  
蕭蕭竹塢斜陽在  
葉覆閑塔雪擁牆

孔雀

越鳥青春好顏色  
晴軒入戶看沾衣  
一身金翠盡不得  
萬里山川來者稀  
絲竹慣聽時獨舞  
樓臺初上欲孤飛  
刺桐花謝芳草歇  
南國同巢應望歸

五言絕句

和劉谷除夜見寄

灞上家殊遠  
爐前酒易曛  
劉郎亦多恨  
詩憶故山



雲

七言絕句

偶作

一栳正發吟哦興  
兩盞還生去住愁  
何似全家上船去  
酒旗多處卽淹留

醉吟

江梅冷艷酒清光  
急拍繁絃醉畫堂  
無限柳條多少雪  
一將春恨付劉郎

山行

小田微雨稻苗香  
田畔清谿瀟瀟涼  
自憶東吳榜

舟日蓼花溝水半篙強

南池

小男供餌婦搓絲  
溢盃香醪倒接籬  
日出兩竿魚正食  
一家歡笑在南池

重遊天台

南國天台山水奇  
石橋危險古來知  
龍潭直下一百丈  
誰見生公獨過時

自水口入茶山

舊舊紅裙好女兒  
相偎相倚看人時  
使君馬上應含笑  
橫把金鞭爲詠詩

寒食野望

舊墳新隴哭多時  
流世都堪幾度悲  
烏鳥亂啼人未遠  
野風吹散白棠梨

邵傅士谿亭

野茶無限春風葉  
溪水千重返照波  
只去長橋三十里  
誰人一解枉帆過

宿杭州虛白堂

鄧此詩最爲警策劉光遠載於金華子

鄧見子守杭州鄧至郡齋所賦

缺月斜明虛白堂  
寒蛩唧唧樹蒼蒼  
江風微曉

一作

不得一作睡二十五聲秋點長

清明日題一公禪室

山頭蘭若石楠春山下清明煙火新此日何窮禮  
禪客歸心誰是戀禪人

春晚與諸同舍出城迎座主侍郎

一作鄭  
頤詩

三十驂騮一闕塵來時不鎖杏園春東風柳絮輕  
如雪應有偷游曲水人

張郎中宅戲贈二首

薄雪燕翥紫燕釵釵垂籠箴抱香懷一聲歌罷劉  
郎醉脫取明金壓繡鞋

謝家青妓邃重關誰省春風見玉顏聞道彩鸞三

十六一雙雙對碧池蓮

上元日寄湖杭二從事

戀別山鏡憶水鏡山光水燄百千層謝公留賞山  
公喚知入笙歌阿那朋

七夕寄張氏兄弟

新秋牛女會佳期紅粉筵開玉饌時好與檀郎寄  
一作  
記 花朵莫教清曉羨蛛絲

酬王舍人雪中見寄

三日柴門擁不開堦庭平滿白皚皚今朝踏作瓊  
璠跡爲有詩從鳳沼來

送李判官

津市停橈送別難  
熒熒蠟炬照更闌  
東風萬疊吹江月  
誰伴袞袞宿夜灘

小石上見亡友題處

笋石清瑤入紫煙  
陸雲題處是前年  
苔侵雨打依稀在  
惆悵涼風樹樹蟬

曉井

桐陰覆井月斜明  
百尺寒泉古甃清  
越女携鏡下金索  
曉天初放轆轤聲

洞靈觀流泉

石上苔蘼水上煙潺湲聲在觀門前千巖萬壑分  
流去更引飛花入洞天

畫鼓

常聞畫鼓動歡情及送離人恨鼓聲兩杖一揮行  
纔解幕天空使別魂驚

燕翁花

十二街中何限草燕翁盡欲占殘春黃花撲地無  
窮極愁殺江南去住人

蟬

飲蟬驚雨落高槐山蟻移將入石階若使秦樓美

人見還應一爲拔金釵

卷終



戊籤三十二

唐音統籤卷

六百三十

劉滄字蘊靈魯人大中八年進士第調華原尉遷

龍門令詩一卷

唐宋志同

今編二卷

晁氏讀書志滄詩頗清麗句法有絕

類趙嘏者方回云劉蘊靈詩高於許渾渾太工而貪對偶劉却自然頓挫耳高棟云劉滄于許渾皆長于懷古如長洲咸陽鄴都等作其今古典廢山河陳跡淒涼感慨之意讀之可爲一倡三歎徐獻忠曰滄七言律音節促促無遠大語唐至大中間國體傷變氣候改色人多商聲亦愁思之感也

五言律詩

早行

旅途乘早起

一作景

策馬獨淒淒殘影郡樓月一聲

關樹雞聽鐘煙柳外問渡水雲西當自勉行役終  
期功業齊

秋月旅途卽事

驅羸多自感煙草遠郊平鄉路幾時盡旅人終日  
行渡邊寒水驛山下夕陽城蕭索更何有秋風兩  
鬢生

七言律詩一

洛神怨

子建東歸恨思長飄飄神女步池塘雲鬟高動水  
宮影珠翠乍搖沙露光心寄碧沉空姹戀夢殘春

色自悠揚停車綺陌傍楊柳片月青樓落未央

邊思

漢將邊方背轆轤受降城北是單于黃河晚凍雪  
風急野火遠燒山木枯偷號甲兵衝塞色啣枚戰  
馬踏寒蕪蛾眉一沒空留怨青塚月明啼夜鳥

秋夕山齋卽事

衡門無事閉蒼苔籬下蕭疎野菊開半夜秋風江  
色動滿山寒葉雨聲來鴈飛關塞霜初落書寄鄉  
山客未廻獨坐高窓此時節一彈瑤瑟自成哀

秋日山齋書懷

啟戶清風枕簟幽蟲絲吹落掛簾鈎蟬吟高樹雨  
初霽人憶故鄉山正秋浩渺兼葭連夕照蕭疎楊  
柳隔沙洲空將方寸荷知己身寄煙蘿思未酬

洛陽月夜書懷

踈柳高槐古巷通月明西照上陽宮一聲邊鴈塞  
門雪幾處遠砧河漢風獨榻閑眠移嶽影寒窓幽  
思度煙空孤吟此夕驚秋晚落葉殘花樹色中

長安冬夜書情

上國悵遲歲欲終此情多寄寂寥中鐘傳半夜旅  
人鐘鷓叫一聲踈樹風古巷月高山色靜寒蕪霜

落灑原空今來唯問心期事  
獨望青雲路未通

春晚旅次有懷

晚出關河綠野平  
依依雲樹動鄉情  
殘春花盡黃鶯語  
遠客愁多白髮生  
野水亂流臨古驛  
斷煙凝處近孤城  
東西未遂歸田計  
海上青山久廢耕

秋日寓懷

海上生涯一釣舟  
偶因名利事淹留  
途誰見客青眼  
故國幾多人白頭  
霽色滿川明水驛  
蟬聲落日隱城樓  
如何未盡此行役  
西入潼關雲木秋

秋日夜懷

枯杵寥寥秋色長  
遶枝寒鵲客情傷  
關山雲盡九秋月  
門柳葉凋三徑霜  
近日每思歸少室  
故人遙憶隔瀟湘  
如何節候變容髮  
明鏡一看愁異常

旅館書懷

秋看庭樹換風煙  
兄弟飄零寄海邊  
客計倦行分漢路  
家貧休種汶陽田  
雲低遠塞鳴寒鴈  
雨歇空山噪暮蟬  
落葉蟲絲滿窓戶  
秋堂獨坐思悠然

晚秋洛陽客舍

清洛平分兩岸沙  
沙邊水色近人家  
隋朝古陌銅駝  
駐柳石氏荒園  
金谷花庭葉霜濃  
悲遠客宮城日

晚度寒鷗未成歸計關河阻空望白雲鄉路賒

汶陽客舍

年光自感益蹉跎岐路東西竟若何窓外雨來山  
色近海邊秋至鴈聲多思鄉每讀登樓賦對月空  
吟呷角歌迢遞舊山伊水畔破齋荒徑閉煙蘿

春日旅遊

玄髮辭家事遠遊春風歸鴈一聲愁花開忽憶故  
山樹月上自登臨水樓浩浩晴原人獨去依依春  
草水分流秦川楚塞煙波隔怨別路岐何日休

下第東歸途中書事

峽路誰知倦此情往來多是半年程孤吟洛苑逢  
春盡幾向秦城見月明高柳斷煙侵嶽影古隄斜  
日背灘聲東歸海上有餘業牢落田園荒草平

江行書事

遠渚蒹葭覆綠苔姑蘇南望思徘徊空江獨樹楚  
山背暮雨孤舟吳苑來人度深秋風葉落鳥飛殘  
照水煙開寒潮欲上泛萍藻寄薦三閩情自哀

江行夜泊

白浪連空極渺漫孤舟此夜泊中灘岳陽秋霽寺  
鐘遠渡口月明漁火殘綠綺韻高湘女怨青葭色



映水禽寒鄉遙楚國生歸思欲曙山光上木蘭

過滄浪峽

山疊雲重一徑幽蒼苔古石瀨清流出巖樹色見  
來靜落澗泉聲長自秋遠入虛明思白帝寒生浩  
景想滄洲如何地近東西路馬足車輪不暫留

晚歸山居

寥落霜空木葉稀初行郊野思依依秋深頻憶故  
鄉事日暮獨尋荒徑歸山影暗隨雲水動鐘聲潛  
入遠煙微娟娟唯有西林月不惜清光照竹扉

下第後懷舊居

幾到青門求立名，芳時多負故鄉情。  
雨餘秦苑綠蕪合，春盡灞原白髮生。  
每見山泉長屬意，終期身事在歸耕。  
蘋花覆水曲谿暮，獨坐釣舟歌月明。

看榜日

禁漏初停蘭省開，列仙名日上清來。  
飛鳴曉日鶯聲遠，變化春風鶴影回。  
廣陌萬人生喜色，曲江千樹發寒梅。  
青雲已是酬恩處，莫惜芳時醉酒盃。

及第後宴曲江

及第新春選勝遊，杏園初宴曲江頭。  
紫毫粉壁題仙籍，柳色簫聲拂御樓。  
霽景露光明遠岸，晚空山

翠墜芳洲歸時不省花間醉綺陌香車似水流

江城晚望

一望江城思有餘  
遙分野逕入樵漁  
青山經雨菊  
花盡白鳥下灘蘆  
葉疎靜聽湖聲寒  
木杪遠看風色暮  
帆舒秋期又涉潼  
關路不得年年向  
此居

晚秋野望

秋盡郊原情自哀  
菊花寂寞晚仍開  
高風疎葉帶  
霜落一鴈寒聲背  
水來荒壘幾年經  
戰後故山終日望  
書回歸途休問從  
前事獨唱勞歌醉  
數盃

秋日望西陽

古木蒼苔墜幾層行人一望旅情增太行山下黃  
河水銅雀臺西武帝陵風入蒹葭秋色動雨餘楊  
柳暮煙凝野花似泣紅粧淚寒露滿枝枝不勝

秋月望上陽宮

苔色輕塵鎖洞房亂鴟羣鴿集殘陽青山空出禁  
城日黃葉自飛宮樹霜卻路幾年香輦去天津終  
日水聲長此時獨立意難盡正值西風砧杵涼

望未央宮

西上秦原見未央山嵐川色晚蒼蒼雲樓欲動入  
清渭駕苑如飛出綠楊舞席歌塵空歲月宮花春

草滿池塘香風吹落天人語綵鳳五雲朝漢皇

春日遊嘉陵江

獨泛扁舟映綠楊嘉陵江水色蒼蒼行看芳草故鄉遠坐對落花春日長曲岸危檣移渡影暮天栖鳥入山光今來誰識東歸意把酒閑吟思洛陽

從鄭郎中高州遊東潭

煙嵐晚入濕旌旗高檻風清醉未歸夾路野花迎馬首出林山鳥向人飛一谿寒水涵清淺幾處晴雲度翠微自是謝公心近得登樓望月思依依

雨後遊南門寺

郭南山寺雨初晴上界尋僧竹裏行半壁樓臺秋  
月過一川煙水夕陽平苔封石室雲含潤露滴松  
枝鶴有聲木葉蕭蕭動歸思西風畫角漢東城

遊上方石窟寺

苔徑縈迴景漸分條然空界靜埃氛一聲踈磬過  
寒水半壁危樓隱白雲雪下石龕僧在定日西山  
木鳥成群幾來吟嘯立朱檻風起天香處處聞

秋日登醴泉縣樓

閒上高樓時一望綠蕪寒野靜中分人行直路入  
秦樹鴈截斜陽背塞雲渭水自流汀島色漢陵空

長石苔紋秋風高柳出危葉獨聽蟬聲日欲曛

夏日登慈恩寺

金界如來一訪僧  
天香飄翠鎖窓凝  
碧池靜照寒松影  
清晝深懸古殿燈  
晚景風蟬催節候  
高空雲鳥度軒層  
塵機消盡話玄理  
暮磬出林踈韻澄

登龍門敬善寺閣

獨步危梯入杳冥  
天風瀟洒拂簷楹  
禹門煙樹正春色  
小室雲屏向晚晴  
花落隱深清  
禁閉水分川  
潤綠蕪平鎖窓朱檻  
同仙界  
半夜緱山有鶴聲

夏日登西林白上人樓

幾到西林清淨境層臺高視有無間寒光遠動天  
邊水碧影出空煙外山苔點落花微蕚在葉藏幽  
鳥碎聲閑曠然多慊登樓意一身門深掩關

宿蒼谿館

孤館門開對碧岑竹窓燈下聽猿吟巴山夜雨別  
離夢秦塞舊山迢遞心滿地蕪苔二近水幾株楊  
柳自成陰空思知已隔雲嶺鄉路獨歸春草深

晚春宿僧院

蕭寺春風正落花淹留數宿惠休家碧空雲盡磬  
聲遠清夜月高窓影斜白社閑吟爲道侶青山遙



指是生涯微微一點寒燈在鄉夢不成聞曙鷄

題馬太尉華山莊

別開池館背山陰近得幽竒物外心竹色拂雲連  
嶽寺泉聲帶雨出谿林一庭楊柳春光煖三逕松  
蘿晚翠深自是功成閑劍履西齋長卧對瑤琴

題鄭中丞東谿

一境新開雉堞西綠苔微逕露淒淒高軒夜靜竹  
聲聽曲岸春深楊柳低山霽月明常此醉草芳花  
暗省曾迹卽隨鳳詔歸清列幾憶風花夢小谿

題王校書山齋

猿鳥無聲晝掩扉寒原隔水到人稀  
雲晴古木月初上雪滿空庭鶴未歸  
藥圃地連山色近樵家路入樹煙微  
棲遲慣得滄浪思芸閣還應夢釣磯

題書齋

一日不曾離此處風吹踈牖夕雲晴  
氣凌霜色劍光動吟對雪華詩韻清  
高木宿禽來遠嶽古原殘雨隔重城  
西齋瑤瑟自爲侶門掩半春苔蘚生

題桃源處士山居留寄

白雲深處葺茆廬退隱衡門與俗踈  
一洞曉煙留水上滿庭春露落花初  
閑看竹嶼吟新月特酌山

醪讀古書窮達盡爲身外事浩然元氣樂樵漁

題吳宮苑

吳苑荒涼故國名吳山月上照江明殘春碧樹自  
留影半夜子規何處聲蘆葉長侵洲渚暗蘋花開  
盡水煙平經過此地千年恨荏苒東流露色清

題秦女樓

珠翠香銷鴛瓦墮神仙曾向此中遊青樓月色桂  
花冷碧落簫聲雲葉愁杳杳蓬萊人不見蒼蒼苔  
蘚路空留一從鳳去千年後迢遞岐山水石秋

宿題金山寺

一點青山翠色危，雲巖不掩與星期。  
海門煙樹潮歸後，江面山樓月照時。  
獨鶴映空秋露下，高僧入定夜猿知。  
蕭疎水木清鍾梵，顯氣寒光動石池。

題古寺

古寺蕭條偶宿期，更深霜壓竹枝低。  
長天月影高窓過，疎樹寒鷗半夜啼。  
池水竭來龍已去，老松枯處鶴猶棲。  
傷心可惜從前事，寥落朱廊墮粉泥。

題天宮寺閣

丹闕侵霄壯復危，排空霞影動簷扉。  
城連伊水禹門近，煙隔上陽宮樹微。  
天歛暮雲殘雨歇，路穿春

草一僧歸此來開望更何有無限清風生客衣

題龍門僧房

靜室遙臨伊水東寂寥誰與此身同禹門山色度  
寒磬蕭寺竹聲來晚風僧宿石龕殘雪在鴈歸沙  
渚夕陽空偶將心地問高士坐指浮生一夢中

宿題天壇觀

沐髮清齋宿洞宮桂花松韻滿巖風紫霞曉色秋  
山霽碧落寒光霜月空華表鶴聲天外迴蓬萊仙  
界海門通冥心一悟虛無理寂寞玄珠象罔中

題王母廟

寂寥珠翠想遺聲  
門掩煙微水殿清  
拂曙紫霞生  
古壁何年絳節下  
層城鶴歸遼海春  
光晚花落閑  
階夕雨晴  
武帝無名在仙籍  
玉壇星月夜空雲

題巫山廟

十二嵐峰挂夕暉  
廟門深閉霧煙微  
天高木落楚  
人思山迥月殘神  
女歸觸石晴雲凝  
翠髻渡江寒  
雨濕羅衣嬋娟似恨  
襄王夢猿叫斷岩  
秋蘚稀

題四皓廟

石壁蒼苔翠靄濃  
驅車商洛想遺踪  
天高猿叫向  
山月露下鶴聲來  
廟松葉墮陰巖踈  
蔭荔池經秋

雨老芙蓉雪髯仙侶何深隱千古寂寥雲水重

題敬亭山廟

森森古木列巖隈迥壓寒原霽色開雲雨只從山上起風雷多向廟中來三江入海聲長在雙鶴啼天影未迴花落空庭春晝晚石牀松殿滿青苔